

Surat khabar: Utusan Sarawak (Sada Sarawak)

Hari/Tarikh: 5/12/2013

Muka surat: S3

Tajuk : UNIMAS Ngelancharka Program Minggu Injiner 2013.

UNIMAS ngelancharka program Minggu Injiner 2013

KOTA SAMARAHAN: Raban pelajar Fakulti Injiner Universiti Malaysia Sarawak (UNIMAS) udah ngatur program Minggu Injiner 2013 ba Panggau Besai, Jalai Ilmu, Fakulti Injiner ditu, apin lama.

Program ke diatur pengelama empat hari tu, berengkah ari 4 ngagai 7 Disember nyadi ke siti program diatur dikuasa Institut Injiner Malaysia (IEM), UNIMAS.

Program tu diperambu enggau mayuh bengkah aktiviti ke lasak sereta manah, kelimpah neleba ka sida pelajar senentang teknologi ke baru berambaika jaku "Engineering Beyond Technology".

Antara aktiviti ke manah diatur ba sepemanjai Minggu Injiner 2013 sekali tu nya mandangka Honda Hybrid Car Autoshow, Sehari begulai enggau IEM, Sesyen Pengawa



Enjiner Indu, Forum Perdana, Pekit Futsal Tropi Naib Canselor, Eksibisyen enggau Demonstrasyon RC Flaying sereta program Peneleba Minda.

Pengerami dikena ngelancharka program tu dirami enggau gimik khas nyerumba ke ngintu penumbuh 20 taun Fakulti Injiner.

Sama enggau tu, Sapit Dekan (Pascasiswazah enggau Pemansik) Fakulti Injiner, Dr Muhamad Faizal Hafiz Shamsi madahka, iya berasai lantang amat ati ketegal raban pelajar mujur ngatur program baka tu.

"Tu mandangka raban pelajar injiner ngembuan pengelandik ke besai bekaul enggau ngatur program.

"Teruska aktiviti ke besai agi laban iya ukai semina meri penguntung ke besai ngagai rayat ba UNIMAS tang mega nguntungka rayat ke bukai," ku iya.

BEJADI ... Sapit Dekan (Pasca-siswazah enggau Pemansik) Fakulti Injiner, Dr Muhamad Faizal Hafiz Shamsi (dua kanan) ngerat kuih begulai enggau pemesai bukai nyadi ke tanda bejadi pengerami Program Minggu Injiner 2013 diatur ba UNIMAS, apin lama.